

Igl meis d'settember 2021 ò la suprastanza communal tracto tranter oter igls affars suandonts:

Fatgs generals, fatgs da personal, economia e provedimaint d'energeia

- Approvo las tariffas d'electricitad dalla OE Surses per igl onn 2022 e communicaziun correspondententa alla ElCom.
- Decidia da prolungar igl contract cun igl ewz (Ovra electrica digl martgea da Turitg) an connex cun igl sarvetsch da liger giu a distanza igls chintaders digl current, igl management da datas d'energeia e las prestaziuns da sarvetsch dalla logistica d'energeia anfignen la fegn 2026.
- Approvo igl protocol dalla radunanza communal digls 30 d'avost 2021 ed igl delibero per mangs dall'exposiziun publica da 30 deis.
- Eligia Simon Bergamin scu nov commember dalla cumischung da biagier digl cumegn da Surses per igl 1. d'otgover 2021. El succeda a Franco Poltera.
- Approvo l'invitaziun cun la glista da tractandas per la radunanza communal digls 25 d'otgover 2021.
- Inoltro ena posiziun agl Departamaint da gisteia, siertad e sanadad concernent la revisiun parziala dalla refurma da gisteia 3.
- Decidia d'organisar la proxima "oura da consultaziun" per la populaziun dallas vischnancas da Mulegns, Sur e Marmorera per marde, igls 9 da november 2021. En'invitaziun correspondententa vign tarmessa ainfer taimp util.

Turissem

- Decidia da prolungar la convignientscha da prestaziun cun la Turissem Savognin Bivio Albula SA (TSBA) per igls onns da gestiun 2022/2023 anfignen 2026/27. La contribuziun annuala digl cumegn alla TSBA monta a 2.35 miu. francs.

Siertad publica e traffic

- Inoltro ena posiziun agl Departamaint d'infrastructura, energeia e mobilitad concernent la revisiun totala dalla lescha davart igl traffic public aint igl cantun Grischun (LTP).

Fatgs da biagier, planificaziun digl territori e planisaziun locala

- Decidia da far ena convignientscha cun la Fundaziun da battasendas svizra per lascher nizigier temporarmaintg tshintg parcelas an Surses scu plazzas da campar cun tendas.
- Decidia, an connex cun la sanaziun dalla Veia Soras a Savognin, da surdar las lavours d'impresari alla Fasolini Signorell SA, Mulegns, e las lavours da cuvreida alla Cellere Bau SA, Tusang.
- Decidia da surdar las lavours d'impresari pertutgont la fixaziun dalla piazza da rimnada e zavrada a la Gneida, Salouf, alla Ardüser Bauunternehmung SA, Alvagni/Savognin.
- Decidia, an connex cun la sanaziun dallas lengias d'ovras a «Cantung Bel» a Tinizong, da surdar las lavours d'impresari alla Ardüser Bauunternehmung SA, Alvagni/Savognin, e las lavours sanitaras alla Caspar Haustechnik SA, Tinizong.

Ovras communalas, infrastruttura turistica, economia forestala

- Decidia da surdar las lavours da planisaziun pertutgont igl trail digl Gelgia alla Allegra Trails ScRL a Puntraschigna ed alla Eco Alpin SA a Schlarigna.
- Decidia da surdar las lavours per sanar la seiv per lung dalla loipa da Tinizong a Rona alla Gall Forstunternehmung SA, Berschis SG, ed alla Thomann Landmaschinen Metallbau SA, Cunter.
- Decidia d'incumbensar la Gall Forstunternehmung SA, Berschis SG, cun la sanaziun digl meir dalla Veia d'alp a Savognin.